

Պաշտոնական կարծիք

Աստղիկ Լևոնի Խուրշուրյանի

«Իրավական պետության հայեցակարգի ձևավորումը և զարգացումը իրավական ուսմունքների հոլովությամբ» թեմայով ԺԲ 00.01-«Պետության և իրավունքի տեսություն և պատմություն, պետական և իրավական ուսմունքների պատմություն» մասնագիտությամբ թեկնածուական առենախոսության մասին

Գրախոսվող աշխատանքում հեղինակը հանգամանորեն վերլուծության է ենթարկել իրավական պետության վերաբերյալ անցյալի և արդի հայեցակարգային մոտեցումները և հետազոտության արդյունքների հիման վրա ձևակերպել է հետևություններ ու առաջարկություններ Հայաստանի Հանրապետությունում իրավական պետության կայացման ուղղությամբ:

Քննարկվող աշխատանքի թեմայի արդիականությունը կայանում է նրանում, որ հեղինակը խորը պատմական վերլուծության է ենթարկել իրավական պետության վերաբերյալ կոնցեպցիաները, հայեցակարգային մոտեցումները և հանգել է այն ճիշտ եզրակացության, որ դրանք իրենց տեսական նշանակությունը չեն կորցրել նաև ներկայիս ժամանակաշրջանում:

Ինչպես իրավագիտորեն նշում է հեղինակը, իրավական պետության և իրավունքի գերակայության մասին պատկերացումների ակունքները ձգվում են մինչև երկրային կարգերի, մարդկանց հասարակական և պետական կյանքի կառուցվածքի ձևերի, մարդկային փոխհարաբերությունների եղանակների ու կանոնների և այլնի վաղ դիցաբանական, առասպելաբանական ու կրոնական ակունքները: Հետագա դարերի (միջնադար, նոր և նորագույն) ընթացքում իրավունքի գերակայության, պետությանը և հասարակությանը իրավունքով կառավարելը (Թովմաս Աքվինացի, Մխիթար Գոշ), պետության բանական և իրավական լինելը (Կանտ, Հեգել) գաղափարները հիմք հանդիսացան ժամանակակից իրավական պետության տեսության և պրակտիկայի համար, դրանք ամրագրվեցին բազմաթիվ պետությունների սահմանադրություններում (այդ թվում Հայաստանի Հանրապետության):

Բացի վերոնշյալից, 20-րդ դարում ձևավորվում է «սոցիալ-իրավական պետության» հայեցակարգը, որի մասին հեղինակը հանգամանորեն քննարկել է թեկնածուական աշխատանքի երրորդ գլխում:

Հեղինակը իրավացիորեն գտնում է, որ «սոցիալ-իրավական պետության հիմնական կզբունքը հենց մարդկանց սուբյեկտիվ իրավունքների ու դրանց իրացման օբյեկտիվ նախադրյալների ներդաշնակումն է՝ մարդկանց ազատությունների ու իշխանության սահմանների հստակեցումը» (Ատենախոսություն, էջ 48):

Աշխատանքի գիտական նորույթը կայանում է նրանում, որ հեղինակը նորովի մեթոդաբանությամբ բացահայտել է իրավական պետության էությունը, այն բնութագրելով որպես «կենդանի իրավական օրգանիզմ», որին բնորոշ է հասարակության պահանջներին անմիջական արագ և որակյալ արձանգանձելը, իրավունքի սահմաններում հանրային և անհատական շահերի ողջամիտ զուգակցումը և լուծումը, հասարակության և նրա յուրաքանչյուր անդամի բանական պահանջմունքների բավարարման համար համապատասխան սոցիալ-տնտեսական պայմանների ստեղծումը, ֆիզիկական և իրավաբանական անձանց նախաձեռնությունների խրախուսումը, աջակցումը, հանրային իշխանությունների պարբերաբար հաշվետվողականության և իրենց սոցիալական պատասխանատվության ապահովումը: Աշխատանքում հիմնավորվում է նաև այն հայեցակարգային մոտեցումը, ըստ որի պետականության զարգացման արդի փուլում «իրավական պետությունը» տրանսֆորմացիայի է ենթարկվում «սոցիալ-իրավական» պետության, որի հիմնական առանձնահատկություններից է ոչ միայն «իրավունքով կառավարելը», այլ նաև իրավունքի միջոցով ստեղծել «սոցիալական արդարության» սկզբունքի կենսագործման ապահովումը հասարակական հարաբերությունների բոլոր ոլորտներում: Սոցիալ-իրավական պետության բոլոր գործառնական լիազորությունները ոչ միայն սահմանափակվում են իրավունքով, այլ դրանք ուղղված պետք է լինեն մեկ հիմնական նպատակի իրականացմանը՝ անհատի իրավունքների երաշխավորված պաշպանությանը, բարեկեցիկ և անվտանգ կյանքի ապահովմանը:

Աշխատանքում հեղինակը լիարժեքորեն է օգտագործել սկզբնաղբյուրները, նորմատիվ նյութը և մասնագիտական գրականությունը:

Ընդհանուր առմամբ դրական գնահատելով գրախոսվող աշխատանքը, ունենք որոշակի նկատառումներ, որոնք հանգում են հետևյալին.

Առաջին, հեղինակը խոսելով սոցիալ-իրավական պետության մասին, իրավացիորեն նշում է, որ դա սոցիալական և իրավական պետության մեխանիկական միավորում չէ, սակայն հետագա շարունակությունում նշում է, որ սոցիալ-իրավական պետությունը որոշակի հակասություն է պարունակում, ինչի հետ դժվար է համաձայնվել, քանզի և՛ սոցիալական, և՛ իրավական պետականությունը հենվում են իրավունքի գերակայության և մարդու իրավունքների երաշխավորված պաշտպանության կանխադրույթի վրա, այսինքն՝ դրանք անտագոնիզմ (հակասական) չեն և չեն էլ կարող լինել:

Երկրորդ, որոշակի անորոշություն է պարունակում աշխատանքի երկրորդ գլխի երկրորդ ենթագլխում քննարկվող հարցերը սահմանադրության և սահմանադրականության վերաբերյալ: Մասնավորապես, դեռևս հստակ հայտնի չէ, սահմանադրական բարեփոխումները ո՞ր ուղղությամբ պետք է ընթանան՝ սահմանադրական փոփոխությունների, թե նոր սահմանադրության մշակման ուղղությամբ: Սահմանադրական հանձնաժողովի ավելի քան երեք տարվա աշխատանքը բացառապես ոչինչ չտվեց (ոչ՝ հայեցակարգ, ոչ՝ փոփոխությունների նախագիծ) և հասարակությանը հայտնի չէ, թե որ ուղղությամբ է շարժվում սահմանադրական հանձնաժողովը: Այս պայմաններում հեղինակին, մեր կարծիքով, մնում էր միայն զարգացնել սոցիալ-իրավական պետության վերաբերյալ տեսական դրույթները՝ հեռանկարները մեզ ազգային շահերի և ազգային գաղափարախոսության դիրքերից:

Սակայն նշված նկատառումները, ըստ էության, ցանկություններ են և բոլորովին չեն կարող ազդել աշխատանքի դրական արժանիքների վրա:

Շեղինակի կողմից հրատարակված գիտական աշխատանքներում լիովին արտացոլվել են ատենախոսության հիմնական դրույթները:

Եզրակացություն. Աստղիկ Լևոնի Խուրշուդյանի «Իրավական պետության հայեցակարգի ձևավորումը և զարգացումը իրավական ուսմունքների հովվությամբ»

թեմայով ժԲ 00.01- «Պետության և իրավունքի տեսություն և պատմություն, պետական և իրավական ուսմունքների պատմություն» մասնագիտությամբ թեկնածուական ատենախոսությունը գիտական նորույթ պարունակող, ավարտուն և ամբողջական հետազոտություն է, լիովին համապատասխանում է «Հայաստանի Հանրապետությունում գիտական աստիճանների շնորհման կարգի» պահանջներին, իսկ հեղինակն արժանի է իրավաբանական գիտությունների թեկնածուի գիտական աստիճանի շնորհմանը:

Պաշտոնական ընդդիմախոս՝

**Մ. Մաշտոցի անվան համալսարանի ռեկտոր,
իրավաբանական գիտությունների թեկնածու՝**

Տ. Տ. Սարգսյան

Հովհաննես Զավենի Սարգսյանի ստորագրությունը հաստատում եմ՝

**Մ. Մաշտոցի անվան համալսարանի ուսումնական գծով պրոռեկտոր,
բանասիրական գիտությունների թեկնածու, դոցենտ՝**



Մ. Թևանյան